

黑龍江志稿卷十五

物產志

動物 禽屬

雕 似鷹而大色黑山海經謂之鷲其品不一上等色黑者曰阜

雕有花紋者曰虎班雕黑白相間者曰接白雕小而花者曰芝

蔴雕羽宜箭翎雕之最大者能捕麋鹿中間有之 盛京通志 雕鳥

狀如鷹而大倍之翅若車輪爪同鋒刃雙眸噴火長喙反鈎颺

風有凌雲之志鷲鳥之雄也 隨紀略鑿 雕似鷹而大大者名坐山雕

小者名脂麻雕羽毛黃褐色尾多斑紋力能捕麋鹿其翎可製

扇可為箭翎 呼府志蘭

鷹 黑水靺鞨多鷹 唐新書 遼統和十三年鐵驪貢鷹 遼史 女真土產

黑龍江志稿

卷十五 物產 動物

一

禽有鷹鷂 大金國志 鷹一名鷂鳩種類不一古以出遼海者為上 盛京

通志 高士奇詩離條繡脫帽鷹師自注圍中鷹以繡花錦帽蒙其

目擊者縮條於手見禽乃去帽放之 扈從錄 鷹初生曰鵞普特漢

名窩雛長成曰札發塔漢名秋黃逾歲曰呼克申漢名籠鷹鷹

見雉兔飛起而俯視曰打樁得雉兔而雙爪緊抱曰扣環遺失

曰打條颺去曰雲了養鷹之隱語也鷹與兔相持犬來助鷹往

往亦傷鷹犬與兔相持鷹來助犬往往亦傷犬助之者志同道

合傷之者忌功爭利歟又諸城送鷹鷂於幕府備選貢例在七

月初故齊齊哈爾有鷹來立秋之諺齊齊哈爾副都統巴某土

著達呼爾也一日出獵見兔甫縱鷹猝墜馬左右馳而掖之起

瞠目大罵曰我死即死耳鷹脫颺去若當何罪其重鷹而不顧

身若此外黑龍江海東青最貴重今所有者為雉鷹兔鷹雀鷹數種土人畜之暇則韝鷹攜犬從事游獵呼府志

白鷹 黑水靺鞨出白鷹新唐書蘇頲雙白鷹贊開元乙卯歲東夷

君長自肅脊扶餘貢白鷹一雙其一重三觔有四兩其一重三觔有二兩皆皓如練色斑若綵章績雪全映飛花碎點所謂金氣之英瑤光之精高髻偉臆長距秀頸奮發而銳堅剛則厲稀代之尤也贊曰鷹之大者精明竦峻勁而橫絕雄則遠振錦文素綵珠聯玉潤往乃奮威將軍所徇鷹之次者勇銳光芒截海而至乘風載揚絡以紅點文其綵章下韝必中惟吏之良唐文粹

白鷹尤為猛鷲諸山中多有之盛京志鷹純白為上而雜他毛者

次之若色純白梅勒章京亦不敢畜必送內務府柳邊紀略嘉慶八

黑龍江志稿

卷十五 物產 動物

二

年黑龍江將軍進白鷹外黑龍江紀

海東青 春巴納曰鴨子河灤冰泮乃縱鷹鵠捕鶯雁五坊擎進

海東青鵠拜授皇帝放之鵠擒鵠墜勢力不加排立近者舉錐

刺鵠取腦以飼鵠皇帝得頭鵠薦廟羣臣皆插鵠毛於首以為

樂遼史五國之東出名鷹自海東來者謂之海東青小而健北會盟編

海蘭府碩達勒達等路有俊禽曰海東青由海外飛來土人羅

之以為土貢史元海東青亦曰海青雕之最俊者身小而捷能擒

天鵝爪白者尤異次曰玉爪駿俊絕異倫一飛千里盛京通志海東

青羽族之最鷲者身小而健其飛極高能擒天鵝搏兔亦俊於

鷹鵠鷹鵠均有窠巢多緣峭壁為之人不能上惟海東青從未

見其巢輟耕錄載演雅言海東青羽族虎也燕能制之羣集緣

撲卽墜云云以小制大物性往往如此亦猶黃腰啖虎之類也

清高宗御製詩注

海東青歲以十一月入貢中途飼以鴨肉旦夕常引

其爪於冰上性惡熱也

黑龍江外紀

鵠 遼應歷二年鐵驪進鷹鵠遼史鵠有二種一玉爪一黑爪又有

鴉鵠兔鵠之別其拳堅處大如彈丸俯擊鳩鴿食之吉林通志

鷓 鷓卽鷓類一名隼又曰晨風小者爲鷓有花豹白豹細胸松

兒朵兒攔虎獸諸名盛京通志國語仲尼在陳有隼集於陳侯之庭

而死楛矢貫之以問仲尼仲尼曰隼之來也遠矣此肅慎之矢

也是鳥飛之疾無踰於隼者矣

鴻雁 大曰鴻小曰雁禮月令季秋鴻雁來賓季冬雁北嚮今黑

龍江境內有池極闊春時雁來自南夏月孳息其中秋復南翔

黑龍江志稿

卷十五 物產 動物

三

盛京通志詩邶風雝雝鳴雁遼東多雁故稱關外爲雁塞冬南夏北

又名隨陽鳥喜集水濱松花江岸尤多巴彥縣志雁類鵝而黑甚稍

大者間有白毛腹色微紅者謂之鴻拜泉縣志黑河道禽類有鴻時

見江濱數十爲羣翔極高雁頗少采訪

鵠 能食蚌藏珠其喙有俊鵠號海東青者能擊天鵝人旣以俊

鵠而得天鵝則於其喙得珠焉北會編鵠俗名天鵝其毛可爲服

飾盛京通志天鵝純白如棉身大於鵝飛則兩翅似有銅聲雙陽河

一帶往往有之得之極爲不易拜泉縣志

鶴 瘦頭朱頂長頸高腳一名仙禽有灰白二種盛京通志遼東鶴本

方外物或得其二畧不加惜日放置園中飼以糧修頸高趾殊

自得每雨過軒舞有節或啄薪木擲去作添籌戲丹頂日鮮乃

知此禽非可翦翎而籠之者也外黑龍江 灰鶴修頸高趾喜浴松

江恆見之夜半長鳴聲聞六七里頂羽皆灰色丹頂稀巴彥志 漠

河縣有鶴呼倫貝爾有鶴采訪

雉 黑水靺鞨俗插雉尾爲冠飾唐書 雉俗呼爲野雞盛京通志 野雞最

肥者油厚寸許秋間出獵號打野雞圍柳邊紀略 土人得野雞例捺

首於翼下故關內有彎脖野雞之稱外黑龍江 雉雄者文著而尾

長雌者文暗而尾短呼蘭志 野禽唯雉出產最多本地名爲野雞

每逢冬令鄉間少年晨起出獵日暮始歸獲得此項野味以供

一家肉食慶城縣志略

白雉 清嘉慶十三年將軍觀明副都統斌靜奏稱他哈爾站獲

白雉羽毛純潔如玉飲啄自如殊常雉羣稱未經聞見考成周

黑龍江志稿

卷十五 物產 動物

四

時越裳氏曾一入貢漢班固有彰皇德膺天慶詩以登瑞紀今

復見雉誠爲國家祥瑞不敢壅於上聞遣使貢獻白雉一籠請

宣付史館以昭瑞應詔不許惟令內庭諸臣賦詩紀之郎潛紀聞

沙雞 似雉而小腳有毛爾雅謂之鷓鴣俗呼沙半觔又名樹雞

多出黑龍江諸林中味勝家雞盛京通志 樹雞鳩形鶉毛足二寸許

味同南產竹雞杉雞本草謂之突麻雀又有一種曰沙伴雞江

瀨中有之似雞而小毛腿短尾色灰褐味同樹雞巴彥縣志

飛龍 江省歲貢鳥名飛龍者斐耶楞古之轉音也形似雌雉腳

上有毛肉味與雉同湯尤鮮美然較雉難得多在深林密藪中

清潔飲水啄石子爲生外黑龍江

野鴨 卽鳧爾雅謂之鷖沉鳧以性好沒故名今湖泊最多有綠

頭尖尾黃腳等名又一種曰紅鴨形如白鷺翅白又一種曰蒲

鴨大於野鴨色黃通盛京志野鴨各水草處極多湯原縣志

鸛 水鳥有黑白二種其羽可為箭翎通盛京志

鷗 一名鷺性好浮形如白鴿雪白清瘦烟水生涯通盛京志

鵠 似鵝而大灰白二色羽可翎箭通盛京志鵠或云野鵠似雁而大

展翅如輪羽毛蒼灰喜集渚旁通盛京志

鵪鶉 詩謂之鵪形類鵠灰色長嘴大膝每渴水取魚一名淘河

又一種曰青鵪鵪類一名信天緣俗呼青莊通盛京志青莊一名鵪

長頸高趾巢樹上沉水食魚佇立淺灘耐久不動魚過其前以

喙啄之始飛去又名信天緣俗呼老等通盛京志

鷓鴣 似鵝而黑嘴曲如鈎食魚入喉則爛涎可治鯁骨可治噎

黑龍江志稿

卷十五 物產 動物

五

通盛京志

魚鷹 大於鴉色黑鈎嘴食魚一名鈎魚郎通盛京志爾雅謂之鵠爾

雅翼謂之魚狗又名魚虎翠羽白項紅喙掠水食魚飛甚疾俗

名打魚郎通盛京志

水鷺 即黃肚雀俗呼黃肚囊有大小二種小者長嘴短尾大者

尾根白通盛京志

鷺 似鶴而大禿頂長頸赤目好啖蛇一名禿鷺可製翎箭通盛京志

通志

鴝 水鳥似鷹有斑紋無後趾通盛京志鴝無後趾尖嘴身有豹文有

雌無雄均產卵伏雛通盛京志

鷺鷥 林棲水食潔白如雪者白鷺又有紫鷺碧鷺種類大小不

一盛京志鷺鷥長頸短尾尖嘴而下鈎腹下色黑好拔玉蜀黍苗而食見人遽驚而高飛拜泉縣志

鴛鴦 形如小鴨色黃有紋紅頭翠鬣止則相偶飛則成雙盛京志

鴟鵂 身大色黑黃而斑晝目無見夜則明其頭如貓俗呼夜貓

子惡聞其聲盛京志鴟鵂鳴則雌雄相喚前若呼後若笑爾雅謂

之怪鴟巴彥縣志巢於古墓之間每入人家輒以爲不祥望奎縣志

恨呼 大如鴟鵂斑紋貓目長鳴聲振林木產木蘭青山中其音

類恨呼云呼蘭府志

鳶 鳶俗呼鷂鷹不善搏擊貪於攫肉吉林通志

燕 有越燕胡燕二種今土人以善構巢者爲巧燕不善構者爲

拙燕凡燕秋後多蟄山崖之內至春始甦作巢樑檐間來去皆

黑龍江志稿

卷十五 物產 動物

六

以社時故曰社燕盛京志燕四月來九月去不似內地皆在社日

此則與內地稍異黑龍江外紀燕齊人呼爲鳧取其自呼鳴鳧也其

類不一陶隱居曰紫胸輕小者是越燕胸斑黑聲大是胡燕燕

春社來秋社去惟綏地春暖較遲故燕來常在夏初綏化縣志

鴿 依人鳥也來去無定一名鶉鴿盛京志禽屬多鴿味甚美然土

人不敢食且不敢驚侮之呼蘭府志鴿青灰色亦有紅者白者雜色

者種類甚夥或房檐或空室均可置窩畜養更有在屋中畜養

者拜泉縣志鴿與鳩相類本非人所畜養而其棲息喜依人簷下凡

有高樓大廈鴿自飛來飛翔頗捷記憶力强故至遠處仍能飛

回能傳書信俗以爲神禽多不取食綏化縣志

鳩 毛色大小不一通呼斑鳩又有鳴鳩形大於斑鳩長尾者一

名布穀

盛京通志

布穀卽鳩鳩羽毛文采穀雨後鳴夏至反舌不鳴

巢居樹穴中

巴縣志

鳩鄭箋曰鳥之謹慤者一意於所宿之木故

稱一宿鳥禽經曰拙莫如鳩巧莫如鵲鳩者不噎之鳥故漢以之扶老食桑椹則醉天將雨則鳩屏其婦晴則呼之古人於鳥類多以鳩名之如鴉爲睢鳩鷹爲鷓鳩布穀爲鳴鳩並非形態類屬特假借名之耳

綏化縣志

鴉

爾雅謂之鷓鴣似慈烏而大不反哺嘴腹白土人呼爲山老

鴉

盛京通志

烏鴉巢於沿河柳叢中秋日數千爲羣翔集禾稼隴上

耗損甚鉅至時或鳴槍以驚之

望奎縣志

雅色純黑故俗名烏雅有

稍大於常鴉者土人呼爲大嘴鴉有白頸者名山鴉

拜泉縣志

鴉體

甚大聲短促而響鴉其名自呼見異則噪本草云鬼鳥也曰烏

黑龍江志稿

卷十五 物產 動物

七

者以色曰鴉者以聲綏人合而言之曰烏鴉

綏化縣志

烏

遼統和九年東京進三足烏

遼史

烏色黑能反哺故名慈烏俗

呼老鴉

盛京通志

鵲

咸州貢白鵲

金史

鵲一名靈鵲開戶必背太歲如歲多風則巢

下枝俗呼喜鵲又一種曰練鵲似鵲而小黑褐色頂上一帶一

名帶鳥長尾白羽今呼拖尾練

盛京通志

齊齊哈爾樹上多烏巢烏

朝去夕還食田禾飛嘗蔽日鵲惟春冬有之餘日不知所在故

鵲巢難見鵲噪亦罕聞

黑龍江外紀

鵲尾長六七寸與身相等背黑

有紫綠色光澤肩腹及翼之下羽皆白色咀腳皆黑俗以其鳴

聲爲吉祥故亦稱喜鵲

綏化縣志

鸞尾長嘴紅似鵲而有文采一名山喜鵲或呼爲鵲姑鳥亦名

綵鵲毛羽文采亞於翡翠盛京志

鶻 雌者毛色若灰雄若濃靛猛鷲善鬪稱鶻鶻又呼黑雞出江

省愛琿深山中盛京志

鶻 性喜鬪土人呼為鶻鶻惟青蛙化者則不鬪盛京志 鶻形如雞

雛頭小尾秃咀腳均短背濃褐色翼黃褐色皆有黑斑腹赤白色性活潑猛鷲能搏鬪邑人有馴養之以為遊戲者本與鶻不同種今皆稱為鶻鶻亦相沿之誤也綏化縣志

啄木 爾雅曰鴛啄木嘴如錐長數寸形色大小綠黑不一諸鳥

舌皆根於喉而藏於味惟啄木舌根通腦後舌尖引之逾長樹中蠹蟲雖潛穴隙皆能鉤取食之俗呼啄木官子盛京志 啄木俗

呼嗛倒木灰背紅襟頂有紅毛啄木食蠹其聲丁丁博物志云

黑龍江志稿

卷十五 物產 動物

此鳥以嘴畫字其蟲自出啄木鳥嘴長而直嘴根無軟皮二趾向前二趾向後舌細長舌尖具有逆鈎沿河樹叢中多有之望奎

縣志

蠟嘴 即桑扈之屬嘴如黃蠟畜之可玩盛京志 蠟嘴毛羽蒼褐有

斑紋嘴微曲色黃如蠟呼蘭府志

百靈 即白翎雀毛青黃色翎白窮冬沍寒不易其處元人重之

故元世祖有白翎雀歌盛京志 百靈巢於草甸中羽蒼白色有斑

項間有黑羽繞之能效諸鳥之鳴故曰百靈林甸縣志

鶻鶻 俗呼寒號蟲狀似小雞足有肉翅夏月毛盛冬時毛脫鳴

益急糞可入藥即五靈脂盛京志

戴勝 似山鵲尾短嘴長毛色青頂有毛角似戴花盛京志 戴勝入

夜即鳴

杜鵑 俗呼王剛哥以其聲名也巴縣志

畫眉 似鶯而小黃黑色其眉如畫善鳴山林中間有之又有三

道眉其眉似分三道盛京志

孤頂 類烏鴉身黑嘴白盛京志

鷓鴣 即詩之桃蟲似黃雀而小青斑長尾喙利如錐取葦花為

巢最工緻另一種曰麻鷓大如蠟嘴其音百轉盛京志

鵲鴿 青灰色尖尾長喙頸黑腹下白飛則鳴行則搖盛京志

黃鸝 一名倉庚俗呼黃鳥盛京志 倉庚背灰黃色腹灰白色春後

即鳴其音圓滑如織機聲詩云睨睨黃鳥載好其音綏化縣志

紅料 色紅善鳴色花者謂之花料又謂之麻紅料盛京志

黑龍江志稿 卷十五 物產 動物 九

靛雀 色如靛故名盛京志 靛雀舌巧音小毛羽鮮潔俗呼藍靛顏

呼蘭府志

黃雀 小而善鳴江畔尤多呼蘭志

黑雀 羣飛田間食害禾之蟲有功於農事盛京志

蘇雀 即千里紅頂有紅毛喜食蘇子俗呼蘇雀黑龍江稱老羌

雀出俄羅斯地雪後即來羅而取之炙食甚美盛京志

家雀 小雀依人簷下俗呼家雀盛京志

窩鸞 狀似家雀惟腿較高色黑雜以白羽有斑巢於草甸中每

鳴即翔於空中且翔且鳴以其善鳴人多畜之林略

鐵背 大於家雀灰色尾分兩白翎盛京志

鐵腳 雀之大者爪堅如鐵置罔覆網取之漏網者未幾復至亦

鳥之義而愚者盛京通志

白頭翁 形如鵲鴿頭白身灰黑又有一種名拙老婆頷下色紅

盛京通志

山和尚 類山鵲而小尾短灰黑色盛京通志

鳳頭鳥 一名阿藍韋昭謂之鵲扈有毛冠者曰鳳頭呂覽注鵲

一名冠雀是也盛京通志

柳葉兒 色淡綠小如指又有串柳兒類柳葉雀形微大盛京通志

黃豆瓣兒 野鳥名呼倫貝爾養馬於他域者秋日聞黃豆瓣兒

聲輒垂頭不食即廐中騰蹕嘶鳴思還故土其去也絕鞫而馳

驀山越澗不復由故道布特哈馬亦然將軍那啟泰有新馬布

特哈種一日聞黃豆瓣兒逸去蹤跡之馬方長嘶主人穹廬外

黑龍江志稿

卷十五 物產 動物

十

牽之不動箠之則蹄齧並施物類之相感如此黑龍江外紀

鷓 一名鵲鴿屬也形似鷓而無斑文今呼為黃鷓盛京通志

雞 三韓傳有長尾雞尾長五尺後漢書 雞有九觔黃大勝諸種又

有毛反生者曰翻毛雞白毛烏骨者曰烏骨雞盛京通志 雞雌雄皆

有肉冠腳強翼短不能高飛人謂雞有五德首戴冠文也足搏

距武也見敵敢鬥勇也見食相呼仁也守夜不失時信也綏化縣志

鴨 亦曰鶩凡鴨內務府冬日入貢盛京通志

鵝 肥美勝於他處盛京通志 鵝 一家雁蒼白二色見異類輒引頸

鳴翎管貯藥毳可為裯巴縣志

動物 獸屬

馬 夫餘出名馬濊出果下馬後漢書 夫餘善養牲出名馬三國志 夫

餘出善馬肅慎氏有馬不乘但以爲財產而已晉書勿吉出三尺

馬太和初貢馬五百匹魏書唐開元十八年渤海靺鞨獻馬三十

匹冊府元龜遼通和十三年鐵驪來貢鷹馬十五年烏舍以地遠乞

歲時免貢馬開泰七年鐵驪等五部歲貢馬三百又統和四年

討女真獲馬二十餘萬二十八年女真進良馬萬匹咸雍七年

太康七年大安二年三年壽隆元年女真皆貢馬東丹國歲貢

馬千匹女真萬匹室韋鐵驪諸部三百匹遼史索倫馬身長陡健

毛短而澤盛京通志呼倫貝爾產馬骨骼不甚高大多力善騁畜者

常翦鬣而不鑿蹄向於楚勒罕時售集上吉林一帶皆採買後

當事者先以賤值拔其尤售者苦之匿其良駿潛驅多倫諾爾

求善價而以所餘塞通市之責又將軍塔爾岱一黃馬久從行

黑龍江志稿

卷十五 物產 動物

十一

陣無一蹶之失勅賜鄂勒哲伊圖阿爾薩朗名號鄂勒哲伊圖

蒙語有壽也阿爾薩朗國語獅子也其後將軍請告食全俸馬

亦月支芻秣於有司黑龍江外紀馬耕田皆用之海拉爾販入較多

兼有購羌馬者骨骼高大畜牧日久良駿自蕃善走者曰騎馬

巴彥縣志馬邑內極多土產良善宜於駕車耕田惟捷足善走者無

多望奎縣志馬土產良善宜於犁車蒙古產者駿而烈宜乘騎琿琿縣志

野馬 形似馬而小盛京通志

牛 女真以牛馱物又多野牛文獻考遼開泰六年東京留守巴格

奏領兵入女真界俘獲牛馬豕不可勝計遼史東女真其人無定

居行以牛負物遇雨則張革爲屋契丹志天寶七載黑水靺鞨獻

牛黃冊府元龜女真產牛黃明一統志牛性馴而耐勞家家皆養之日久

繁殖其利甚鉅本邑農家耕田多不用牛嫌其步履遲緩也惟燒鍋油房多用以引磨本邑養牛之家皆不知製酪是為缺點

望奎縣志

野牛 女真國獸多野牛通考

羊 女真多牛羊北盟會編 山羊生山中似羊而大善登山皮黑灰色

又一種黃羊大於羊毛蒼黃盛京通志 山羊即野羊亦即羴羊本草 羴

羊即盤羊鹿身細尾兩角盤背上有蹙文塞北小鈔 嬰兒缺乳伏山

羊於炕使乳之既久羊與兒習兒啼羊遽至狀如母子黑龍江外紀

山羊尾小綿羊尾大畜綿羊者多又有黃羊類麇畧小黃色皮

宜裊褥呼蘭府志 羊毛亦出口貨之大宗也採訪

豕 挹婁傳好食豕後漢書 勿吉其畜多猪北史 靺鞨其畜多猪隋書 黑

黑龍江志稿

卷十五 物產 動物

十二

水靺鞨畜多猪新唐書 女真獸多白彘契丹志 豕分黑白灰色兩種

俄產通體俱白眼圈作水紅色小耳呼蘭府志 豕俗名猪毛色黑有

間白毛者亦有純白者其鬃賣給洋人價亦昂貴拜泉縣志

野豬 黑水靺鞨俗編髮綴野豕牙唐書 女真國獸多野豬通考 野豬

女真出明一統志 野豬今山中有之盛京通志 野豬大如牛形如彘耳稍

小上下牙如鋼鈎驅突時猛如虎兇隨代略 野豬類家畜毛色本

黑而末灰白出沒松林中厚黏松脂刀彈不能入結羣而行獵

其前走者則奔逸而傷人其巨者重至千觔諺言一豬二熊三

老虎其兇惡如此呼蘭府志 野猪山內甚多百十成羣湯原縣志

豪豬 周身皆刺白本黑端其利如矢呼蘭府志 豪豬刺利如矢擊猪

擊嘴不中輒傷人瑗縣志

犬 女真地多良犬通考 田犬極健力能制虎最難得又外蕃犬可

供驅策故元史有犬站以代馬今黑龍江以北費雅哈部落尙

役犬以供負載又一種曰蜜狗生烏拉諸山中嘴尖如狗尾黑

可飾盔纓盛京通志 獵犬不畏虎隨吠其後或嚙其尾虎伏草間犬

必圍繞跳嗥人卽知虎所在虎怒逐犬出平陸人乃得施弓矢

殪之又有捕貂之犬嗅其踪跡所在守而不去伺貂出嚙之從扈

錄日 人家藉犬爲守備多者畜之五六性旣不馴狀尤狃狠夜深

羣吠聲徹四城穿窬者所由瞿瞿也然白晝當門獨行者易遭

其虐致婦孺往來手不釋梃今達呼爾索倫諸部冰凍時駕扒

犁使狗曰狗扒犁又布特哈田犬各擅一長精於虎者不捕野

豬精於野豬者不捕雉兔其捕雉兔者雖兔伏數矢外亦能嗅

黑龍江志稿

卷十五 物產 動物

十三

而得之號聞香狗又庫雅喇滿洲選家犬肥澤者畜室中飼以

梁肉以備祭天然其俗平時不食犬肉不禦狗皮曰忌諱今亦

不盡然外黑龍江紀 犬猛鷲高大冬日可駕小扒犁行冰地元時碩

達勒達等路設狗驛其效用固與牛馬等也呼蘭府志

貓 善捕鼠又有野貓居山谷中狐類口方色蒼黃有斑善搏亦

曰野狸盛京通志 貓有黑黃黎三色間有黑白相參者其功用均能

捕鼠皮可製裘製煖帽拜泉縣志 禮郊特性迎貓爲食田鼠也陸佃

曰鼠善害苗貓能捕鼠故字從苗家貓有黃黑白駁數色尾長

腰短目如金上齧多稜提耳而身團縮者良其睛可定時子午

卯酉如一綫寅申己亥如滿月辰戌丑未如棗核綏化縣志

驢 土人負重恒以驢代腳力盛京通志 驢不耐寒畜者無多巴彥縣志

野驢 女真獸多野驢通考野驢似驢而色駁鬃尾長盛京通志

驪 地亦產驪盛京通志驪形狀似馬非馬似驢非驢毛色不一功用

與馬同拜泉縣志羸驢馬相合而生者也體格強健能任力役不能

傳種綏邑居松花江北地甚寒冷驪之產於本省者壽長而適

用綏化縣志

野驪 似驪而小國語謂之齊赫特伊肉可食而粗不足貴亦不

多得黑龍江外紀

駝鹿 北方有鹿形如駝埤雅駝鹿一名堪達漢頸短形類鹿色蒼

黃無斑項下有肉囊如繁纓角扁而闊瑩潔如玉中有黑理截

之縷為決勝象骨俗呼扳指盛京通志麀即今之四不像名駝鹿其

形似鹿非鹿似麀非麀皮可以為半臂衣之愈久愈厚愈軟若

黑龍江志稿

卷十五 物產 動物

十四

為油水所污俟其乾揉之仍復如故凡皮見水即硬衣此者可

加澣濯聞此衣油垢既甚可禦槍關東兵卒多衣之竹葉亭雜記堪

達漢蹄似牛非牛頭似馬非馬身似驢非驢角似鹿非鹿不芻

不豢唯食石花奇勒爾俄倫春人養之用則呼之使來牧則縱

之使去性馴善走德同良馬曹廷杰日記堪達漢鹿類背上項下髣

髯駱駝沈存中筆談北方有駝鹿即此境內諸山皆有之毛蒼

黃體高大重二千觔性極馴向水行尤速角長大色如象牙以

製射鞞盛暑無穢氣然黑章環繞勻而不暈者截數角不得其

一土人食其鼻而美之號猩猩脣黑龍江外紀

四不像 即鄂倫春人所使之沃利恩一名堪達漢詳前駝鹿下

麋鹿 東女真善射多牛鹿其人常作鹿鳴呼鹿而射之統和九

年女真進喚鹿人遼史好喇卽各色鹿女真出明志麋似鹿而色

青大如小牛肉蹠目下有二竅爲夜目本草綱目龍江有麋無鹿清

時行獵春夏謂之青草圍秋日哨鹿圍冬日大圍進貢則有湯

鹿毛鹿合子鹿及腸肚舌尾夏秋貢乾醃肉及茸角筋皮黑龍江外

紀鹿牡者有角夏至則解角初茁時形如紫茄漸長分歧所謂

鹿茸也有麋似鹿而色青黑亦有角仲冬則解所謂麋茸也梅

花鹿壯嫩其茸爲最上品呼蘭志附鹿角 禮月令仲冬麋角解

仲夏鹿角解今考麋鹿俱於夏至解角角可煎膏入藥亦有用

骨作膠者盛京志牡鹿有角夏至則解牝鹿無角宗奭云鹿茸以

如紫茄者爲上然此太嫩血氣未具其實少力堅者又太老惟

長數寸破之肌如朽木茸端如瑪瑙紅玉者最善人有以麋角

黑龍江志稿

卷十五 物產 動物

十五

僞爲者不可不察麋角頂根上有黃毛若金綫兼旁生小尖色

蒼白麋鹿茸角今人罕能分別陳自明以小者爲鹿茸大者爲

麋茸亦臆見也不若親視其採取時爲有準本草綱目

馬鹿 形大如馬山中極多亦曰父鹿一統志馬鹿一名八义鹿歲

取其角交官盛京志馬鹿馬身羊尾毛雜黃白色呼蘭志馬鹿湯原

山內居多每至四五月間各獵戶入山專打此獸取其角名曰

鹿茸每季可得數百副亦出產大宗也湯原縣志

麇 麇類色蒼赤黑龍江地方每冬有白項野麇從海邊來不可

勝數形比內地微大但味稍腥盛京志麇皮不掛霜而毛易落故

服者嘗少率連之爲車帷其肉則禦冬美味海麇遜之海麇名

布勒都里糾自海邊來動以萬計如羊羣履而挺擊應手皆踣

此布特哈自然之利外黑龍江江省鹿類最繁麇鹿爲用尤多呼

倫貝爾布特哈興安各城諸部落每以麇皮置爲囊野處露宿

全身入囊不畏風雪述龍江略麇大頭高腳短角似鹿無斑色蒼赤

性駿易獵肉味佳其皮可禦潮溼呼蘭府志

麇 麇類毛長犬足皮堪爲履烏通盛京志馬擴茅齋自敘阿骨打每

食以木櫟盛鹿兔麇鹿狐狸等肉或燔或烹北會盟編麇皮可爲衣

褲之用入市出售印以花紋極軟溫耐久肉亦可食與兔相類

腊之尤佳龍江略

白麇 遼會同元年二月壬午室韋進白麇遼史形似麇牛尾一角

麇之屬

麇 室韋人惟獵麇鹿爲務契丹志麇鹿屬無角卽詩之麇獵時以

黑龍江志稿 卷十五 物產 動物 十六

背式骨每歲交官有定數盛京通志麇性善驚飲水見影輒奔今古

注鹿有角而不能觸麇有牙而不能食綏化縣志

麇 大麇一角牛尾漢武帝郊雍得一角獸卽此今大山中間有

之盛京通志

麇 形似麇一名香麇喜食柏臍血入藥名麇香盛京通志山內有香

麇一種取其臍可以入藥湯原縣志

熊羆 鞞鞞大山有熊羆隋書女真產羆皮明一統志小者曰熊大者曰

羆熊類不一有人熊猪熊猴熊狗熊諸名盛京通志熊趨捷而羆憨

猛皆獸之絕有力者羆重千餘觔熊亦及半熊羆冬令皆入蟄

不食熊小或居木孔羆大則居穴也清高宗御製盛京土風詩注熊極猛力

能拔樹擲人甯古塔紀略石熊全身烏黑猙獰可畏長喙鋸牙前掌

如人手後掌如人足重七八百觔

隨
鑿
紀
略

松花江兩岸舊爲費雅

喀部所居喜弄熊呼曰馬發多以重價購養使鄰里親朋射殺

爲歡有馬熊狗熊二種射斃而後聚食之先食熊頭於野謂敬

長老也餘則聚食於家婦女惟食熊髀

曹廷杰
日記

黑龍江城忽一

熊自北門入跳躍叫嗥馬牛避易良久不知所之一老翁語其

儕曰恐有火災頃之城中火起延燒殆盡此數十年前事攷明

季有熊入西直門或以爲熊字能火是歲都城果有回祿之災

老翁非知書者所見暗合

黑龍江
外紀

熊類豕而黑故稱豕熊毛長

四五寸掩其目故又稱黑瞎子前足兩趾似人掌後足兩趾似

人趾俱五指能人立而行其行也必以前足開其睫審視而後

趨好攀樹顛而復上冬則蟄居樹穴頻舐其掌以充飢春夏則

黑龍江志稿

卷十五

物產 動物

十七

出而覓食愛食玉蜀黍蹂躪田禾擊拆逐之則奔多力能拔巨

樹受傷後腹裂腸流能納腸腹中以草堵其瘡口仍與人搏人

折旋避之則免胸前白毛爲熊要害處中之立殪畏鹹食

呼蘭
志

熊羆山內亦多獵戶打得僅取其膽

湯原
縣志

虎 濊祠虎以爲神

後漢
書

虎諸山中多有之白質而黑章者尤猛

鷲虎骨熬爲膏入藥

盛京
通志

呼蘭多虎虎過父子兄弟不相讓獨

殺之以獻幕府嘗見呼蘭送一虎極大云已七歲滿洲某佐領

所殺也聞佐領父嘗殺虎可稱世勇

黑龍
江外紀

虎土人不敢斥言

之稱曰山神爺又曰輓蹠子狀如貓大或如犢黃質黑文鋸牙

鉤爪短項健鬚多智夜則一目放異光遠燭十數里食狗則醉

今青黑二山中常見之

呼蘭
志

虎大如犢其小者曰石虎狀如貓

虎力不敵熊而能斃熊夜則一目放異光遠燭十數里或曰一目燭物一目放光獵者言虎之目光遠望之如電燈然一燈一虎二燈卽二虎在焉璦琿縣志

豹 穢多文豹後漢書豹似虎而小白面圓頭色白者曰白豹黑者

曰烏豹文圓者曰金錢豹最貴重文尖長者曰艾葉豹盛京通志

豺 足似狗瘦如柴性鷙猛善逐獸盛京通志

狼 皮毛青白者貴可爲坐褥盛京通志狼夜入城殘害牲畜人家往

往縛草爲人置牆頭蓋以形似者怖之亦內地壁畫灰圈意或

曰草人拒鬼非也黑龍江外紀狼色蒼而尾垂似犬而瘦眼傾斜夜

間有光性極殘忍秋冬之間游行遠村近郭豬羊之屬恒被殘

害獵者擊殺之取其皮售之獲利頗鉅望奎縣志

黑龍江志稿 卷十五 物產 動物 十八

獾 似狗而矮體肥行鈍皮宜裊褥盛京通志獾形如狗喙如豕足皆

五爪毛深厚油能治火傷東華輯要獾頭小喙長腹大身短矮足毛

長寸許本白末棕色可爲裊褥呼蘭府志獾穴地而居夜出晝眠毛

似貉而硬取其皮爲褥可以避濕望奎縣志

狐 女真產狐狸皮有黑白黃三種明一統志狐色赤而大夜擊之火

星迸出毛極溫暖集腋爲裘尤貴重元狐出下江大於火狐色

黑毛暖最貴又有青狐名倭刀又有沙狐生沙磧中身小色白

腹下皮集爲裘名天馬皮頰皮名烏雲豹盛京通志狐有元狐青狐

火狐沙狐數種元狐最上品青狐號倭刀貴遜於元狐境內不

常見唯火狐沙狐虞者恆得之沙磧中所謂天馬蓋舐毛轉音

其腹皮也烏雲豹其頰皮也土人輕裘尙此黑龍江外紀狐形似犬

口吻突出尾多毛粗而長性狡猾陰柔獵者設計襲取剝其皮而售之每張值數金土產多黃紅色謂之火狐蒼色者謂之草狐小雪後得者尤佳望奎縣志

貉 狀如狸性善睡其毛深厚溫滑可為裘盛京通志貉俗名野馬其

皮紋上圓下方寢處其皮者立能解醒設有驚急毛輒豎格致源

貉似狐而小毛黃褐與獾同穴周禮攷工記貉逾汶則死巴縣志

貉產於原野間穴地而居匠人取其皮拔去大毛祇餘短茸謂

之貉絨以之製裘溫煖耐磨亦佳品也望奎縣志山內所產亦富而

其皮甲於吉林各山所產者湯原縣志

狸 即野貓狐類居山谷中口方色蒼黃有斑善搏亦曰野狸盛京志

通志山狸一名野貓虎文多斑食果實啖雞鴨毛短而潤可作春

黑龍江志稿

卷十五 物產 動物

十九

裘璦琿縣志

狫狫獮 即土豹明一統志狫狫獮類野狸而大耳有長毫白花色小

者曰烏倫出索倫者佳亦作失利孫盛京通志事物紺珠狫狫獮黃

黑色其皮可裘出女真格致源狫狫獮國語曰西倫轉為舒倫虞

者稱曰威呼肯孤文孤威呼肯譯言輕孤文孤譯言獸也猶之

稱虎曰阿勒哈孤文孤豹曰呼敦孤文孤皆隱語阿勒哈斑爛

之謂呼敦疾速之謂唯狫狫獮能升木須謹防之否則溺下著

衣肌膚立潰此其毒於虎豹者黑龍江外紀

貂 挹婁出好貂後漢書夫餘出貂豸挹婁出好貂今所謂挹婁貂

是也三國志夫餘國出善馬貂獬肅慎貢貂皮晉書勿吉以尸捕貂

貂食其肉多得之室韋亦多貂皮魏書黑水靺鞨多貂鼠唐書遼通

和十五年烏舍以地遠乞歲時免進貂皮開泰七年鐵驪五部歲貢貂皮六萬五千史遼貂以紫黑色爲貴青色爲次契丹志貂山

林中多有之近東北邊者色黃邊外者色紫黑皮甚輕暖以松子爲糧打牲者八月往十二月回皆於雪天尋其跡而捕焉黑龍江索倫達呼哩諸人皆以捕貂爲業盛京通志貂鼠一名松鼠喜

食松子在深山松林中其窟或土穴或樹孔捕者先設網穴口後以草芻燒煙薰之貂畏煙出奔卽入網中貂皮之利居民藉以衣食故金史稱其地富庶云扈從錄捕貂之法又有縱犬守穴

口伺其出而嚙之者紫黑色毛平而理密者爲上紫黑色而理密者次之紫黑而疏與毛平而黃者又次之白斯爲下貂大與狐等每皮價四五錢拔鎗毛爲帽脊曰鑽草臂曰坐草腹曰拉

黑龍江志稿

卷十五 物產 動物

二十

草鑽草紺色上也坐草黃色中也拉草灰色下也爲被褥則不拔鎗毛出魚皮部者佳歲至甯古塔交易者二萬餘而貢貂不與焉甯古塔人得之販鬻京師歲以爲常柳邊紀略選貂充貢之制將軍副都統坐堂上協領與布特哈總管分東西席地坐中陳貂皮詳視而去取之甲乙既定鈐小印於皮背封貯備進然後印擲還之皮而皆別其一爪如皮背無印四爪全者私貨也事干例禁人不敢買貢貂有一等二等好三等尋常三等之分嘉慶十五年選定一等四十二張二等一百四十張好三等二百八十張尋常三等四千九百四十三張歲大畧如是而列一等者皆雅發罕俄倫春及畢喇爾物又布特哈無論官兵散戶身足五尺者歲納貂皮一張定制也如甲皮不入選多選乙一張

甲出銀三兩償乙此類甚多事皆主於總管故每歲俸餉皆選貂後支放字除損益之處至此始明若雅發罕俄倫春則不然其所納皮張較勝他部故一等足額入其餘於二等二等所餘入於好三等而皆按照定價由庫給銀以酬其所餘之數蓋雅發罕俄倫春散處山野非索倫達呼爾及摩陵阿俄倫春可比定制如是而畢喇爾一部亦然布特哈交納貂皮先已自定等第尋常三等之外皆以綾籤標記紅綾者索倫達呼爾物綠籤者摩陵阿俄倫春物黃籤者雅發罕俄倫春畢喇爾物也

黑龍江外

紀 貂大如獺而尾較粗食松子故一名松狗毛厚理密紫色者

最佳稱爲紫廓貂青色黃色次之白色又次之製爲裘帽奇暖自肅慎氏以來歷代貢獻品也前朝一皮價銀四五錢今漲二

黑龍江志稿

卷十五 物產 動物

二十一

三十金矣

呼蘭府志

水獺 獸而水居食魚首尾長三尺許毛色青褐光潤溫暖可爲

領袖

呼蘭府志

阿倫河一帶以水獺爲特產說文獺如小狗水居食

魚禮王制獺祭魚然後虞人入澤梁今人取獺皮爲風領亞於貂亦貴物土人每於封凍後鑿冰架網取之惟此物性最靈警每年所得無幾

西布特哈志略

獸屬有水獺每皮一張約值銀十餘兩

慶城縣志略

旱獺 毛色如土不甚暖俗以製衣貧者服之相傳此獸爲穴出積土一仰臥載之衆啣尾曳之久載土者背毛脫落鞞僅存故

俗有奴才獺爾之稱

黑龍江外紀

呼倫貝爾最多爲江省特產

采訪

銀鼠 有銀鼠尤潔白

契丹志

銀鼠諸山中有之毛色潔白皮禦輕

寒

盛京志

銀鼠尾可製筆

璦琿縣志

灰鼠

女真獸有青鼠

契丹志

青鼠皮女真出

明一統志

青鼠卽灰鼠灰

白爲上灰黑次之

盛京志

灰鼠尾長時一掉置背上自覆其首投

以榛子雙爪抱嚙如猴然出諾敏河者佳號索倫灰鼠

黑龍江外紀

灰鼠產布特哈呼倫貝爾兩城境者號索倫鼠毛厚色潤東三

省推爲殊尤有大小中毛三色

龍江略述

灰鼠尖喙短足喜升木灰

白爲上灰黑者次之

呼蘭府志

鼯鼠

一名鼬又名黃鼠又名騷鼠其尾可以作筆

盛京通志

鼯俗曰

黃鼠狼穴居似鼠尾大類貓晴日坐穴前見人輒拱前足如揖

狀喜食雞黃色身長一二尺皮可製帽土人染之冒爲灰鼠其

尾可製筆

呼蘭府志

鼯鼠色黃毛深厚尾長足短腰細善出入小孔

黑龍江志稿

卷十五

物產

動物

二十二

中皮染以黑色可製煖帽及衣領

望奎縣志

鼯鼠

卽田鼠形如鼠而大常穿地以行

盛京通志

鼯鼠穴地行經過

處踏之成坑坎故呼倫貝爾道中馬蹄易陷多鼯鼠也俗呼糞

鼠子

黑龍江外紀

鼯卽田鼠俗呼瞎眉鼠子似鼠而大長不及尺圓

頭小耳趾有爪甚利常穿地以行所穿地麥豆多枯萎不結實

害禾鼠也晝不常見出則其行甚緩

呼蘭府志

鼯鼠穴地居人經其

處輒陷說文謂鼯爲地行鼠伯勞所化也

巴彥縣志

瞎奮鼠灰色如

鼠扁而大好穿洞土堆纍纍西南風大則出洞多被人所捉薰

乾爲末調黃酒灌馬則肥大

拜泉縣志

鼯鼠

刁約使契丹爲北語詩云密賜十貔狸註形如鼠而大穴

居食穀梁嗜肉味如豚而肥

契丹志

鼯鼠今呼豆鼠一名黃鼠頭

似兔尾有毛黃黑色性好
在田間食穀豆卽碩鼠也
遼金元時用以供饌

盛京志 貔狸卽黃鼠
吉林通志

松鼠 蒼黑色大尾好食樹果
小者大不過三寸通身豹文

盛京通志

香鼠 小於鼠能捕雀

盛京通志

豹鼠 開元十八年靺鞨獻豹鼠皮
三張二十六年又獻豹鼠皮

一千張

冊府元龜

豹鼠文彩如豹

吉林通志

飛鼠 漠河海蘭泡皆出飛鼠
身長三四寸似鼠而有翅飛翔叢

樹中

採訪

鼠 鼠穿牆盜粟俗呼耗子
言耗損物也

巴彥縣志

鼠爲害甚劇人家

皆有之不但竊食傷器爲可厭
且爲傳染癘疫之媒殲除無法

也

望奎縣志

黑龍江志稿

卷十五 物產 動物

二十三

艾虎 鼠類能捕鼠

盛京通志

刺猬 似鼠有毛刺物犯之則形縮
毛張如集矢俗呼刺猬皮入

藥

盛京通志

貂熊 大如狗紫色頭紫黑兩脇微白

盛京通志

兔 黑水靺鞨土多白兔開元天寶間
來獻鯖睛貂鼠白兔皮

唐書

靺鞨土多白兔

唐會要

開元七年靺鞨獻白兔猫皮

冊府元龜

白兔多

純白出黑龍江又一種曰跳兔
前足寸許後足近尺爾雅謂之

蹙黑龍江界內多有之

盛京通志

跳兔大如鼠其頭目毛色皆兔爪

足則鼠尾長其端有毛或黑或白
前足短後足長行則跳躍性

狡如兔犬不能獲之疑卽詩所稱
躍躍兔是也

北錄

兔有二

種內興安嶺以南者體長毛雜形
如貓土人呼爲跳兔卽京師

所謂野貓嶺以北者目赤毛純白或純黑好事者捕而畜之不食黑龍江外紀獸類中生育惟兔最繁孕一月卽產子每胎多有六七者產後牝牡卽交交卽孕孕則不復交以俟次月計一牝兔年產兔數十故北方之食兔倍於南方之食雉也雉兔巢穴皆藏短草淺土中故鷹犬易於奏功毫作毛錐肉可供鼎俎綏化縣志

動物 鱗屬

魚 東沃沮傳其稅租魚後漢書春巴納曰鴨子河灤皇帝卓帳冰

上鑿冰取魚遼史元劉哈喇巴圖爾傳居二年召還帝諭之曰自

此而北納延曰阿巴拉呼者產魚吾今立城名其城曰肇州汝

往爲宣慰使旣至一日得魚九尾皆千觔遣使來獻元史黑龍江

五月魚車塞路六七月水漲則大魚不入網江凍鑿冰取之盛京

黑龍江志稿

卷十五

物產

動物

二十四

通志江省魚價素賤夏日尤甚參贊大臣愛星阿初謫齊齊哈爾

以百錢得雙鯉重十餘觔詫爲異五月間戶皆市魚剖而繩屬

之晾屋上謂之晾魚胚子終歲用之不竭魚網極大得魚多非

數十人曳之難出水故能獨織一網者此富戶也從前將軍有

官網八旗備辦漁者隱受其累而將軍食魚幾何皆爲司網者

中飽將軍觀明在鎮六年未嘗一舉官網遂廢冬日鑿冰眼下

網較水面稍難而得魚亦多惟三伏歇網不下網入水易爛故

也黑龍江外紀江省江河徧於四境產魚最富而以冰鮮爲貴活魚

則不常見龍江述略望奎南濱呼蘭河產魚頗富沿河人家有畜魚

者就原有港灣當水生時魚皆赴港內青草中育卵嗣將港口

壩斷畜卵於內至秋而魚成矣謂之攬澆子每澆子可得魚數

千觔若漁業改良其利當不祇此探訪

鯽 渤海俗所貴者湄沱河之鯽唐書 鯽魚產混同江者尤佳盛京通志

鯽青白色扁身多刺巨者尺餘味美呼蘭志 鯽魚扁身白鱗縣境

之鯽魚未有大至一觔者惟胡裕爾河之鯽魚鱗色不甚白最

肥而味美拜泉縣志

鯉 黑龍江夏多鯉冬多鯪鯽盛京通志 呼蘭三城河冰泮時鯉魴等

最賤魚車往來夜以繼日斤值京錢念餘以鹽漬之可供久餐

地氣本寒無氣蒸肉敗之患然腥聞特重調人先漬以酒庶足

解之龍江述略 鯉魚金鱗赤尾江產者大而肥重十數觔呼蘭志 鯉魚

鱗赤尾大者重十餘斤小者二三觔味極鮮美與松花江者無

異望奎縣志

黑龍江志稿 卷十五 物產 動物 二十五

魴 女真產魴鬚明統志 魴縮項穹脊扁身細鱗俗呼鰾花盛京通志 魴

發綠也楚人呼為縮頸鰾黑龍江外紀 魴土人名鰾花魚扁身闊腹

白色如銀大者二三觔肉薄多刺味腴美呼蘭志

鰾 扁形闊腹大口細鱗有斑采明者為雄晦者為雌又名花罽

魚俗名鰾花盛京通志 敖花鰾也黑龍江外紀 魚有拘花似鰾腹尤闊肉

厚而刺少脊有三鰭甚勁通體淡綠色腴美過於鰾花似凝脂

而成呼蘭府志

鱧 唐開元二十六年韎韞獻乾文魚一百口冊元 鱧圓而長鱗

細色黑首肥而巨盛京通志 黑魚身長而圓鱗黑肉白逐浪而行其

聲嗚嗚然霧時恆於近水草地以頭拄地倒置之能游行草地

失水一二日不死巨者重二三十觔其行甚速不易捕呼蘭府志 黑

魚埤雅謂之玄鱧首左右有七孔如星又名七星魚細鱗黑斑類蝮蛇齒長而利宿病忌之巴縣志

鱻 經典釋文鱻音尋字林云長鼻魚也重千觔又音淫高誘注淮南說山訓云淫魚長頭身相半長丈餘鼻正白身正黑口在頷下似鬲獄魚而身無鱗爾雅疏釋魚地理志上京歲貢秦王魚

金史鱻魚黑龍江出明統志一秦王二字卽鱻魚之誤巨口細睛鼻

端有角大者丈許重可三百觔冬日輦以充庖備賜亦有售於市肆者都人分鱻之目爲珍品清高宗御製詩注鱻魚脍骨鱻魚頭

也出黑龍江一帶一魚頭大者須以車載之嘉慶十年前此物甚賤自京中以此骨爲美品魚頭遂不肯售競相晾曬發賣而價亦特貴竹葉亭雜記鱻魚古名秦王魚音之訛也又曰屈爾富

黑龍江志稿

卷十五 物產 動物

二十六

大者首專車捕之之法以長繩弋魚背縱去徐挽繩以隨數里外魚倦少休敲其鼻鼻骨至脆破則一身力竭然後戳其鰓使痛自然一躍登岸索倫人尤擅其能黑龍江紀鱻俗呼黃魚身多橫斷痕如人背脊間骨肉白多脂膏柔而脆巨者長二三丈重千數百觔呼蘭府志

細鱗魚 圓身細鱗多出山流狹處產於黑龍江者名赭鱸歲貢百尾九月棲江濱捕而畜之亦曰遮鱸盛京通志赭祿魚細鱗頭尖

色白吉林外紀細鱗魚紐摩順也黑龍江外紀蟄魯魚頭銳色白有骨無

刺巨者重十數斤呼蘭府志鰕羅一名哲祿扁形細鱗微黑大二尺

許色白者又名發羅巴縣志彥

達發哈 出黑龍江秋八月自海逆水入江驅之不去充積甚厚

土人竟有履魚背而渡者腹中子大如玉蜀黍邊地人取魚炙乾積之爲糧盛京通志達發哈又名打不害肉疏而皮厚長數尺每春漲溯黑龍江而上入山谿間烏稽人取其肉爲脯裁其皮爲衣無冬無夏襲焉日光映之五色若文錦扈從錄大發哈魚一作打發哈子若梧桐子色正紅噉之鮮水耳其皮色淡黃若文錦可爲衣裳及履袜貧者多服用之柳邊紀略達發哈魚出東海歲入黑龍江逆水北行至霜降時躍躍於呼瑪爾河不下億萬頭土人謂魚躍曰果多轉爲孤東故達發哈有孤東之號或曰唐太宗征高麗達發哈躍入御舟帝怒謂當驅之黑水故今魚腹有印痕唐遺跡也聞之可矍然謂魚入江始生牙語則不謬黑龍江外紀

紀達發哈齒利鱗膩灰黑色脖下有紫紋腹多子大如黃豆粒

黑龍江志稿

卷十五 物產 動物

二十七

肉味美行必逆流每歲由海入江由江入河秋末大木蘭達河左右極多水淺則止不行或騰蹕岸上如積薪然無一尾順流退回者巨者重十數觔呼蘭志達馬哈或云莊魚白色細鱗脇有紫紋逆水行產於海長於江死於河霜降節在河以筍取之曝爲鮓巴彥志答抹哈魚臨江府之赫哲人醃製爲糧染采魚皮爲衣故名魚皮韃子考此魚繁殖於興凱湖中逮夏初烏蘇冰泮輒乘流而下其數不知紀極松花江下游恒至擠塞斷流如架梁焉立秋後卽又逆流南返入湖陷身土穴中腐爛以死故土諺往生來死之說孕卵不孵入土委化其腹卵逮冰解始復成魚北行卵珠紅色烹食肥美地理學雜誌魚價素賤居民腊之

以爲糧採訪

烏庫哩魚 每年四五月自海迎水入江盛京志 烏互路魚七里性

魚皆逆海入混同江黑斤濟勒彌人不知歲月皆以江蛾飛時

爲捕魚之候江面花蛾變白蛾時值五月烏互路魚入江青蛾

初飛時值六月至七月上弦七里性魚入江其至也三四聯貫

逆流而上轟波噴浪勢甚洶洶魚日行可六七百里黑斤人於

江邊水深數尺處多置木椿橫截江流長或二三丈四五丈亦

有作方城形虛一面無椿名曰悶橫平置水面下繫以袋網次

日操小舟取之每一悶橫可得魚數千觔曹廷杰日記

牛魚 禮志狀似鮪鮪之類也金史 牛魚混同江出大者長丈五尺

重三百觔無鱗脂肉相間食之味美明一志 契丹主滔爾河釣牛

魚以占歲程大昌演繁露 有梁大使者先朝內侍也入館傳旨賜金蘭

黑龍江志稿

卷十五 物產 動物

二十八

酒二瓶銀魚牛魚二盤牛魚出混同江其大如牛周麟之海陵集 牛魚

一尾之值與牛同周樞密麟之使金金主愛之享以所釣牛魚

非舊例也周必大老堂雜志 東海有牛魚其形似牛剝其皮懸之潮水

至則毛起退則毛伏吉林通志 牛魚鱈鯉類也頭畧似牛微與南方

有別土人指呼爲鱈中土人或謂之牛耳重數百觔或千觔混

同江虎兒哈河皆有之然其味在鯽魚下柳邊紀略

白魚 爾雅鰻郭注今偃額白魚按白魚名鮎廣雅云鮎鱈也玉

篇鱈白魚也鮎一作鮎鮎又名鰻說文鰻白魚也今白魚生江

湖中細鱗白色頭尾俱昂大者或長六七尺也爾雅疏釋 鱈亦曰

白魚細鱗形窄腹扁頭尾向上盛京通志 白魚喙銳微峭窄身扁腹

首尾上曲多冗刺大者長六七尺肉肥而味美爲松花江之特

產呼蘭志白魚一名鱗俗呼島子產江中尖喙細鱗窄身扁腹大者長六七尺爲殺中珍品巴縣志

鰻 卽詩之鰻俗呼鰻條盛京通志鰻條頭銳額黃身類木棒重至六七十觔恒破網而走漁家稱爲金頭大王呼蘭府志

鯢 似鱒而大身圓肉厚有青白二色俗呼草根魚盛京通志草根魚似鯉身微圓肉腴而白巨者長四五尺江冰初泮此魚正肥可

生啖呼蘭府志

鯽 似鮪而弱腴腹細鱗頤銳形扁俗呼鯽子魚盛京通志

鱖 似鯉大首今有至四五十觔者俗呼鱖頭魚盛京通志胖頭魚面

部甚寬大者長二三尺呼蘭府志膀頭似鯉而鱗細穀雨節後最肥六月出水卽腐巴縣志

黑龍江志稿

卷十五 物產 動物

二十九

鱒 形狹而長鱗白而細其性浮俗呼白漂子盛京通志白漂魚鱗細

扁長不過三四寸惟煎食甚佳拜縣志

鱒 身圓而長赤脈貫瞳俗呼赤眼魚盛京通志

勾星魚 黑龍江出鱗斑然如列星辰長喙漁者間以箸探其口

齧之至死不釋段刃之釜中猶躍躍也盛京通志

船釘魚 長二三寸大頭闊口黃色有斑見人則以喙插泥中盛京志

通志

鮎 爾雅郭注別名鯢江東通呼鮎爲鯢爾雅翼云鯢魚偃額兩

目上陳頭大尾小身滑無鱗謂之鮎魚言其黏滑也爾雅疏釋鮎

魚色黃無鱗巨口扁尾肉白而腥拜縣志鮎大頭扁口口旁有二

肉鬚色青白春時味最肥美瓊縣志

鮠 鮠鮠也本草蜀本圖經云有三種口腹俱大者名鱮背青而

口小者名鮠口小背黃腹白者名鮠三魚並堪為臠說文鮠無鱗

似鰻而大俗呼槐子魚出黑龍混同二江中其皮可衣盛京通志鮠

亦曰鮠子魚頭大腹肥尾扁而窄似鮠而大背黃腹白口旁四

鬚巨者長五六尺呼蘭府志槐頭似鮠而大頭大腹肥尾扁窄喙旁

有六鬚長五六尺產於江巴縣志彥

魴 身長肉白背微厚鱗小而密近腹處愈小愈密腹鱗兩兩相

合如掌其利如刃通體色白多刺出水便死呼蘭府志

鯔 狀如青魚身圓俗呼柳根鯔盛京通志

鰾 形似蛇無鱗腹黃俗呼黃鰾盛京通志鰾土人不恒食呼蘭府志

鰾 似鰾而短爾雅謂之鰾俗呼泥鰾盛京通志泥鰾魚以其鑽泥故

黑龍江志稿

卷十五 物產 動物

三十

名泥鰾色黑黃無鱗身圓而細市中所賣無過六七寸者雨潦之年產量最富雙陽河三四人一日可撈千餘觔之多有用以

飼豬者亦如澎澤以魚飼犬云拜泉縣志泥鰾鰾土人均不食瑗縣志

鰻鱧 似蛇而腹白一名白鰻盛京通志

狗魚 喙尖銳身細長鱗白色而有黑斑肉細無冗刺望奎縣志狗魚

銳喙長身有黑斑巨者長二三尺黃白色又一種曰季狗魚形

似狗而身稍短多冗刺呼蘭府志

羊魚 身圓色黃尾能刺人相傳羊魚胎生初生聞雷輒羣入母

腹土人往往於大羊魚腹中得衆小魚云盛京通志

江獺 出江中形似狗而小長尾色青黑亦有白色者獺穴必預

度水所不至故鄉人以是為潦水之候黑龍江混同江等處尤

多盛京通志

雷魚 雷多則生出混同皇朝通志 雷魚小者如指色黑尋河兩岸而

行雨多則有盛京通志

竹魚 狀如青魚翠色可愛盛京通志

狗牙魚 長頭扁喙頷旁脊骨均有鰭甚勁能刺人又有牛尾囊

魚頷脊均有鰭視狗牙魚稍短尾之長與身等狗牙魚及牛尾

囊魚均重不及觔呼蘭府志

馬口魚 口大身小又有紅娘子魚近鰓有紅黃雜采盛京通志

黃鰮魚 似鮎而小背青黃色無鱗俗呼昂刺赤色者名紅昂刺

盛京通志

赤稍魚 身白翅紅盛京通志

黑龍江志稿

卷十五

物產

動物

三十一

黃骨子 一名黃鰮似白魚而頭尾不昂闊不踰寸長不徑尺與

白魚相類但首尾不昂耳盛京通志

蝟蝟魚 無鱗而骨脆肉白味甚鮮美瑗琿縣志

鯨魚 黑水靺鞨傳拂捏開元天寶間入獻鯨睛唐書 女真出鯨睛

明一統志 魏武四時食制東北海有大魚如山長五六里謂之鯨鯢

次有如屋者其鬚長一丈廣三尺厚六寸瞳子如三升椀太平

御覽 東北海口有大魚長一二丈大一二圍頭有孔如江豚涉波

孔中噴水高一二丈訇然有聲可聞數里黑斤濟勒彌通呼為

麻勒特魚每於水浪大作時乘舟持叉躡捕魚出水即以叉擲

之叉尾繫長繩俟魚力困憊牽至江沿出之曹廷杰日記

鰲 俗呼團魚又名腳魚甲入藥從前黑龍江人不食近亦有食

之者盛京志鰲漁人網之恆以爲不祥土人多不食望奎志鰲產於

淡水食小魚肉多滋養分其甲舊以入藥埤雅云鰲以眼聽其

抱以影在水中上必有浮沫名鰲津人以此取之綏化縣志

蟹 蟹俗呼螃蠏至秋味腴黑龍江冬時有海蟹頗大味腥螯長

一二尺有虎皮金錢諸名盛京通志

蚌蛤 形長曰蚌圓曰蛤江海皆有唯烏拉諸江出者多狹而長

內產明珠盛京通志介之屬有蚌蛤松花江之蚌產珠所謂東珠也

孕珠之蚌深居水底群蚌圍護如城垣然漁者誤觸之輒被傷

珠淡青色大可半寸小者如菽豆以有光者爲貴元史食貨志

產珠之所曰水達達即今呼蘭轄境至元十一年命滅怯安山等於宋

阿江即今松花江採之呼蘭志縣境東北小伊吉密河之上游有一支

黑龍江志稿 卷十五 物產 動物 三十二

流其中所產之蛤身形長大且殼內多含蛤珠亦一特產也慶城

縣志蚌產於淡水內本邑東北綏楞山下有河一帶旁有蛤池

內產蚌有兩大蚌極大殼中珠光耀彩人咸見之綏化縣志蚌蛤形

長曰蚌圓曰蛤湯旺河所出者狹而長內孕明珠湯縣志

蝦 出海中者去殼曰蝦米大者長數寸合配曰對蝦小者曰金

鉤蝦通行各省盛京通志

螺 易離爲羸卽此種類大小不一出海中者種類尤多盛京通志

蝸蛄 蟹身魚尾澤畔石下有之盛京通志哈食馬拉姑水族也似蝦

有螯似蟹無甲長寸許產溪間扈錄

動物 蟲屬

蠶 澱知養蠶作錦布後漢書穢有麻布蠶桑作綿魏志蟲之屬有蠶

呼蘭府志

我國古時育蠶以青兗爲最盛今則各省皆講蠶業唐書一夫耕食百人一婦蠶衣百人綏邑自前十數年卽極力提倡

蠶業

綏化縣志

山蠶 一名樗繭放之樗柞等樹春秋收繭練絲爲紬又有綠繭多生山中杏條上綠色堅韌箭扣用之盛京通志少昊九雇其一桑雇竊脂爲蠶驅雀可見唐虞以前大抵皆山蠶耳爾雅云蜎桑繭讎由樗繭棘繭欒繭虻蕭繭此五繭惟食桑者成於蠶食餘四種并山蠶棘蠶李時珍謂蠶食柘與奴柘所成今有一種野蠶成繭於蒿艾間蕭繭或卽類此惟欒繭不可知樗繭卽齊之椿繭亦卽榭繭亦可呼柞繭御覽引廣志曰柞蠶食柞葉可以作綿蓋卽樗繭也鄭珍樗繭譜

黑龍江志稿

卷十五

物產 動物

三十三

蠶蟲

熟女眞土產貢蠶

契丹志

蠶蟲大如蟣蝨食花柘柳木涎著

枝莖收煉成白蠟較川產者微黃盛京通志唐宋以前澆燭入藥所

有白蠟卽蜜蠟也其蟲白蠟則自元以來人始知之其蟲大如

蝨芒種後則延緣樹枝食汁吐涎黏於嫩莖化爲白脂乃結成

蠟狀如凝霜處暑後則剝取謂之蠟渣若過白露則黏住難刮

其渣煉化濾淨凝成塊卽爲蠟其蟲嫩時白色作蠟及老則赤

黑色乃結苞於樹枝初若黍米大入春漸長大如雞頭子紫赤

色纍纍抱枝宛若樹之結實蟲遺卵則作房俗呼爲蠟種亦曰

蠟子子內皆白卵如細蝨一包數百次年立夏日摘下以箬葉

包之分繫各樹芒種後苞拆卵化蟲乃延出葉底復上樹作蠟

本草綱目江省雖有花柘柳而少蠟蟲且土人亦不知收蠟之法故

蠟蟲之利尙未發達探訪

蜂 俗以在地作房者曰土蜂大黃蜂曰馬蜂釀蜜者曰蜜蜂均

有薑毒盛京志有蜂蜜貴家購之以佐食下此不數數得絕域蜜

蜂之巢多於山僻枯樹中其大如斗每逢秋末入山採蜜之人

以香薰蜂令避去割其巢三分之二約數十觔煉成蜜蠟其質

頗良慶城縣志

蝼贏 亦名土蜂純雄無雌負桑蟲而為子即螟蛉也盛京志

蟻 種類不一大者曰蚍蜉小者曰螳俗呼麻蟻盛京志甄隙多蟻

穴雨前奔馳成陣或言黑龍江無蟻殊不可信黑龍江外紀

蟋蟀 似蝗而小正黑光澤如漆善跳好鬪秋後則鳴爾雅謂之

蚘一名促織俗呼趨趨又一種曰竈馬如促織好穴於竈亦名

黑龍江志稿

卷十五 物產 動物

三十四

竈雞盛京志

蜘蛛 大者為罨罨小者為螞子長踦者即詩之蠨蛸盛京志俗稱

罨罨曰蛛蛛黑龍江外紀蜘蛛俗呼珠珠即詩豳風之蠨蛸拖絲結

網小者屋內見之見以為喜名曰喜蛛西京雜記蜘蛛集百事

喜巴彥縣志

蜻蜓 六足四翼羣飛水際爾雅謂之負勞盛京志俗呼蜻蜓曰螞

娘黑龍江外紀蜻蜓有紅綠二色四翼並排雨晴則多見初生時亦

能害苗拜泉縣志

蝶 形色黃白大小不一皆蟲所化山中蝶大如掌采色斑爛子

即山蠶也又花樹間蠹之大者暑時置熱石上輾轉久之即可

化蝶盛京志予廝中雜蒔野卉時有粉蝶栩栩飛來但蝶身不大

多白色亦間有五色者黑龍江外紀山中蝶大如掌彩色斑斕湯原志

蛾 蠶蛾而外凡草木蟲以蛹化為蛾者甚多盛京志

螻蛄 便腹青色秋鳴以股冬亦可畜交春則死所謂螻蛄不知

春秋也俗呼聒聒廣雅謂之螻蛄盛京志螻蛄一名絡緯廣雅作

螻蛄以翅鳴其聲聒耳麥秋時最多巴彥縣志

螳螂 月令仲夏螳螂生俗呼刀郎深秋乳子作房著樹枝是為

螳螂可入藥盛京志

蜚蠊 黑甲蟲一名吉蜚一名推車客俗呼使客娘所轉之丸納

於土坎子生其中盛京志蜚蠊分有角無角二種巴彥縣志

阜螽 長角修股善跳作聲形色不一統呼麻蜡雨久則變為魚

盛京志阜螽俗稱螞蚱草棲者色綠土棲者色黑其行趯趯能以

黑龍江志稿 卷十五 物產 動物 三十五

翅鳴呼蘭府志

螻蛄 穴土而居短翅大腹腰細如蜂月令孟夏螻蛄鳴螻蛄

蟊也非一物孔穎達以螻蛄為鼯鼠俗呼土狗盛京志螻蛄俗呼

拉拉蛄能害禾呼蘭府志

蝸牛 爾雅謂之螭蝓池澤中小螺白色頭有兩黑角涎畫屋壁

悉成銀色或云可避毒蟲蠹最畏之又土蝸生旱地草上或石

上俗呼鼻涕蟲二種皆入藥盛京志

蟾蜍 背黑無點多疖磊居陸地俗呼癩蝦蟆盛京志蟾蜍蛙類吸

食飛蠅俗名癩蝦蟆巴彥縣志

山蛤 多伏岩中似蝦蟆而大腹黃紅色俗呼哈士蟆其油可食

盛京志山蛤俗呼哈士蟆似蝦蟆而大腹其油明潤欲滴飲食上

品呼蘭府志

蛙 卽鼃一名田雞土人呼爲青蛙初生有尾名蝌蚪盛京通志

蚓 禮記孟夏蚯蚓出冬至之日蚯蚓結俗呼曲鱸白頸者入藥

盛京通志

蟬 種類不一土人有秋蟬箴涼唧螻秋蛩諸名盛京通志

螢 詩名熠熠今名螢火蟲月令季夏腐草化爲螢至夜有光嘗

見蟋蟀果螺之類夜亦有光但不能飛耳唐子卿有水螢賦謂

是水蟲所化盛京通志

蚊 齧人飛蟲長吻如針一名蚋近奉天省城處絕少而黑龍江

蚊不入室盛京通志 蟲豸傷人畜者馬蜂土蜂外蚊虻最毒蚊絕大

飛如雨城中較少然有花草家黃昏亦不支窗坐余嘗七月出

黑龍江志稿

卷十五 物產 動物

三十六

城行不數里頭面已爲包穀世有言黑龍江近城無蚊蚊不入

室者皆以耳爲目語黑龍江外紀 夏秋之間草深數尺蚊虻四起既

多且大馬牛皆不堪其嚙西布特哈志 蚊係污水中孑孓及腐草所

化喙銳有毒嚙人肌膚俗曰小咬巴邑縣志

虻 俗呼瞎虻夏月最多酷齧牛馬行人苦之盛京通志 虻類蠅而色

黃喜噉牛馬大者俗稱瞎蟲呼蘭府志

蠅 善亂色故詩以刺讒其聲在翼牡者腹大生蛆蛆復化爲蠅

盛京通志 蠅有蒼蠅青蠅麻蠅夏日極多村間尤甚以地多不潔故

也望奎縣志

蛇 種類不一大者往往有冠幘名烏稍其短小者名七寸子者

最毒盛京通志 蛇石山間有之皮入藥名蛇蛻巴邑縣志 縣境大疙疸山

內產蛇最多往往一穴數條或數十條不等而他處則未一見
蓋其地性然也慶城縣志

蠍 一名蠹其毒在尾盛京通志 蟲之屬有蠍呼府志

蜈蚣 廣雅謂之蜚蛆山原草澤中亦間生焉盛京通志 蜈蚣水蛭

蝮山原草澤亦皆有之湯原縣志

蚰蜒 象蜈蚣黃色而細長即爾雅之蝻衙山原草澤中亦間有

焉盛京通志 蚰蜒生溼地長寸許似蜈蚣而小觸之有毒巴彥縣志 節足

動物俗名蓑衣蟲與蜈蚣同類體長八九分暗黃綠色脚細長

共十五對最後一對尤長夜出壁間綏化縣志

蠍虎 即守宮食蠹故呼蠍虎盛京通志

蛇師 即蜥蜴俗呼馬蛇盛京通志 馬蛇似蛇而小長四五寸腹下有

黑龍江志稿 卷十五 物產 動物 三十七

四足蒙界一帶有之一名蛇師林甸縣志

木牛 小黑而長下細上粗善通乳盛京通志

蠅虎 身黑而扁嘴邊有雙肉爪攫蠅食之盛京通志

壁錢 似蜘蛛而色斑壁上作幕如錢盛京通志

蜚蛭 四翼盛京通志 山海經大荒北經肅慎氏之國有飛蛭四翼吉林

通志

蟬 即書中蟲一名蠹魚盛京通志